

Ky dokument nuk është prova. Prova janë bajtët e ruajtur: HTML-ja e faqes, pamja e saj, dhe zinxhiri i hash-eve që i lidh. Kjo dëshmi është paraqitja e tyre, e prodhuar automatikisht. Verifikohet me kodin më poshtë **pa na pyetur ne**.

ARTIKULLI

TITULLI	Një histori korruptimi jo dashurimi
ADRESA	https://boldnews.al/2026/09/27/nje-histori-korruptimi-jo-dashurimi/
BURIMI	boldnews.al
GJENDJA	online

KOHA


KAPUR NGA NE	27 shtator 2026, 14:59:37 UTC <i>Dritarja jonë e pasigurisë: ± 300 s — intervali me të cilin e kontrollojmë këtë burim.</i>
DEKLARUAR NGA PORTALI	27 shtator 2026, 14:55:42 UTC <i>Koha e deklaruar vjen nga pala që po vlerësohet. Ora jonë nuk preket prej saj, dhe të dyja shfaqen këtu të ndara.</i>

HASH-ET · SHA-256

PËRMBAJTJA	89623d68cfaeec024b2cadb1193e26d80c5c0ffd52aabb4d942814f50a65f22f
TEKSTI	720a3714c44cfde6927acbdf45847c3677d347473bc4719a75f3ff03b9af3759
PAMJA	5fb47a2ff16666d4c86d3bf2b5ba54fc7e9d0c7e79622763653b56fad77f969d

ZINXHIRI I PROVËS

KJO HYRJE	347f1ee431493d95273bd0034f4a6e19add89c707788c3f54d87c09ef155089a
E MËPARSHMJA	—
RRËNJJA MERKLE	3dbf5264f26ae921c8f8735760cb378b1b626a14b73f487ffe641eb8f02fca55
ANKORIMI	submitted — dërguar, ende pa bllok <i>Deri te blloku, kjo provon integritetin, jo kohën.</i>



SKANOJE PËR TA VERIFIKUAR

Kodi të nxjerr te eksploruesi i STAMLES. Ai regjistër nuk është yni: nëse serveri ynë bie nesër, vula mbetet aty ku është.

Faqja tregon njërën nga tri gjendjet — **nuk u gjet**, **në radhë**, ose **e konfirmuar** me bllokun, rrënjën Merkle dhe transaksionin në Polygon. Krahazo hash-in që gjen atje me atë të shtypur më lart: nëse përputhen, kjo kapje ekzistonte para asaj ore, dhe ne nuk mund ta kishim ndryshuar pas saj.

https://scan.stamles.eu/verify/347f1ee431493d95273bd0034f4a6e19add89c707788c3f54d87c09ef155089a

PAMJA E FAQES

Renderuar nga HTML-ja jonë e ruajtur, jo nga rrjeti. **Riprodhon kopjen tonë, jo pamjen e atëhershme:** stilet dhe imazhet e largëta mund të mos ekzistojnë më ose të kenë ndryshuar.

Motori: chromium-stored+assets · dritarja 1280×1024 px

Fillimi » AKTUALITET

Një histori korruptimi jo dashurimi

16:55 : 27/09/2026 në AKTUALITET, KRYESORE, OP-ED

Nga **Blendi Kajsiu**

Ka një përpjekje, veçanërisht në mediat pro-qeveritare, por jo vetëm, për tu marrë me dimensionin rozë të skandalit të kryetares së SHISH Vlora Hyseni me të pandehurin Ergys Agasi.

Tendenca është produkt sa i interesit mediatik për skupe seksuale edhe i maskilizmit që domionon mediat tona, që femrën e identifikon me emocionin, irracionalitetin dhe dobësinë ndërsa mashkullin me racionalitetin, qëndrueshmërinë dhe forcën.

Nga këtu është e lehtë të kuptosh se përse shumë media dhe analistë janë fiksuar me marrdhënien “dashurore” mes kryetares së SHISH dhe Agasit, apo me paraqitjen e këtij të fundit si zhidolo. Llogjika maskiliste na shpegon së rënia e zonjës Hyseni buroi nga dobësia e saj emocionale, në përputhje të plotë me stereotipet tona shoqërore rreth “dobësisë” së gruas.

Një shpjegim i tillë i shërben shumë edhe pushtetit sepse e zhvendos vëmendjen nga korruptimi tek dashurimi i znj. Hyseni. Pak rëndësi ka në këtë shpjegim fakti që edhe nëse “historia e dashurisë” ka ekzistuar, burimi i saj është paraja dhe pushteti shumë më tepër se ndjenja.

Lexo edhe:[Rama sulmoi drejtësinë për Vlora Hysenin/ Tabaku: Shqipëria vuan nga një republikë e të korruptuarve](#)[Rama: S'ka bir nënë të gjeje një qindarkë të tijen në xhepin tim!](#)

Është e vështirë të besosh se kryetarja e SHISH do ish dashuruar me Ergys Agasin nëse ai nuk do kish pasur pushtetin, pasurinë dhe lidhjet me botën e krimit që i kish mundësuar marrdhënja me kryeministrin Rama. Këto janë arsyt që shpjegojnë lidhjen e ngushtë të Hysenit me Agasin, pavarësisht nëse ishte shoqërore, seksuale apo platonike.

Ka plot djem më të bukur dhe më të rinj, dhe shumë më të ndershëm, se Ergys Agasi në administratën tonë publike dhe në SHISH që janë nëpunës të thjeshtë, me të cilët Hyseni

TË GJITHA**Një histori korruptimi jo dashurimi**

16:55 : 27/09/2026

**Rama sulmoi drejtësinë për Vlora Hysenin/ Tabaku: Shqipëria vuan nga një republikë e të korruptuarve**

16:42 : 27/09/2026

**Salianji: A u takuan Rama dhe Berisha sot në Rinas? Kreu i PD të tregojë çfarë u bisedua**

16:29 : 27/09/2026

**Shkupi në protestë për katërshen e madhe të UÇK-së**

16:13 : 27/09/2026

**Përfshihet nga zjarri banesa në Korçë**

16:05 : 27/09/2026

**Rama: S'ka bir nënë të gjeje një qindarkë të tijen në xhepin tim!**

15:45 : 27/09/2026

**Videomesazhi i Ramës/ Bardhi: Po i shmanget llogaridhënies! Ka frikë të përballit me gazetarët**

15:38 : 27/09/2026

mund të ish dashurari në mënyrë romantike, edhe pse jo euke apo ngjore, për të protestuar nevojat e saj njerëzore dhe shpirtërore.

Ama numërohen me gishtat e dorës tipa si Agasi që kontrollojnë dhe vjedhin miliona euro në tendera, që kanë lidhje të fuqishme me botën e krimit dhe që njëkohësisht janë miq të kryeministrit Rama, me të cilin pinë verë të shtrenjtë në zemër të pushtetit. Të gjitha këto fakte, që kryeministri pretendon se nuk i dinte, Vlora Hyseni si kryetare e SHISH i kish të qarta.

Ajo e njihte shumë mirë pasurinë, pushtetin, lidhjet me botën e krimit dhe afërsinë e Agasit me kryeministrin, dhe pikërisht për këtë u lidh me të. Nuk ishte pamja prej urithi e Agasit, sharmi i tij intelektual, apo personaliteti i tij elektrizues që e “dashuruan” kryetaren e SHISH. Ishte thjesht pushteti, paraja dhe lidhjet e forta me kryeministrin Rama dhe botën e krimit që e transformuan Gysin në një objekt adhurimi.

Kjo nuk është një histori dashurie por korrupsioni. Tendencia e mediave dhe e analistëve për ta portretizuar Ergys Agasin si një zhigolo romantik fsheh kyçin e suksesit të tij si urithi që hapte kanalet e komunikimit mes pushtetit, krimit dhe korrupsionit. Fakti që zyrtarë të larta të shtetit tonë adhurojnë uritha të tillë është dëshmi e korrupsionit dhe jo e sensibilitetit romantik.

Ndaj rasti i Vlora Hysenit është sindroma e një administrate publike që popullohet nga banaliteti administrativ dhe politik që ekzistencën njerëzore e ka reduktuar tek adhurimi i pushtetit, pasasë dhe i “të fortëve”.

Në fakt, bëhet fjalë për një sindromë të gjerë të shoqërisë sonë në përgjithësi që prej kohësh ka vendosur adhurimin e forcës dhe pasasë mbi çdo vlerë tjetër, si ndershmëria, kreativiteti apo parimet. Në shumë segmente të shoqërisë sonë, duke përfshirë edhe artin dhe mediat, ekziston adhurimi dhe respekti implicit për modelin e “të fortëve” narkotrafikant që janë pasuruar në mënyrë marramendëse.

Ama është tronditëse të shikosh konsolidimin e këtij fenomeni në majat e shteti shqipëtar që duhet të ishin anti-korpet e tij. Nivelet e larta të shtetit duhet të shërbejnë si busulla morale dhe parimore për qytetarin e thjeshtë, dhe jo të degradojnë në nivelin moral të popullatës.

Pikërisht kjo është ajo që na trondit në rastin e zonjës Hyseni. Busulla e saj morale dhe parimore ishte në nivelin e qytetarit të thjeshtë të cilin ajo kish për detyrë ta mbronte dhe ta orientonte.

Adhurimi apo “dashuria” e kryetares së SHISH për një “të fortë” ordiner, një urith të krimit dhe të korrupsionit, për të cilin ajo duket se ka dhunuar parimet themelore të shtetit shqiptar, tregoi se zonja në fjalë e kish humbur tërësisht busullën morale dhe parimore në aktivitetin e saj në krye të SHISH.

Fatkeqësisht është i njëjti fenomen që përsëritet vazhdimisht në çdo skandal të qeverisjes dhe administratës së lartë të kryeministrit Edi Rama. Fytyrën e Vlora Hysenit mund ta zëvendësojmë me atë të Belinda Ballukut, Arben Ahmetaj, Evis Berberi, Erjon Veliajt apo me drejtorët 5D në Bashkinë e Tiranës.

Panteoni i korrupsionit në administratën Rama pasurohet çdo ditë me fytyra dhe skandale të reja. Natyrisht që në krye të tij qëndron vetë kryeministri që veshi me pushtet, respekt dhe influencë një urith si Ergys Agasi duke e kthyer banalitetin korruptiv në modus operandi të administratës së tij.

Në një botë të tillë nuk ka hapësirë për parime, dashuri, romantizëm apo sensibilitet human. Dashuria mund të degjenerojë në korrupsion, madje edhe në banalitet. Ama banaliteti dhe korrupsioni kurrë nuk prodhojnë dashuri.

Ndaj historia Hyseni – Agasi nuk është një histori rozë mes dy personazheve romantik që sakifikojnë gjithçka për dashurinë alla Romeo dhe Zhuljeta. Është një histori e zezë dhe banale e korrupsionit të një zyrtareje të lartë me një person të inkrimnuar.

Skenari i saj është shkruar nga Kryeartisti Rama. Ai është autori i vërtetë kësaj historie, sepse të dy protagonistët e saj, Gysi dhe Vlora, janë tërësisht krijesat e tij. **/Lapsi.al**

Etiketa: afere akshi Ergys Agasi korrupsion spak vlora hyseni

Lajme të lidhura



Rama sulmoi drejtësinë për Vlorë Hysenin/ Tabaku: Shqipëria vuan nga një republikë e të korruptuarve

16:42 : 27/09/2026



Rama: S'ka bir nënë të gjejë një qindarkë të tijen në xhepin tim!

15:45 : 27/09/2026



"Në 8:30 do takoj KM"/ Publikimi i mesazheve Hyseni-Agasi, Rama sulmon SPAK e GJKKO

15:00 : 27/09/2026



Rama ia ngac ndërkombëtarëve fajin për Vlorë Hysenin: Dhanë referenca të mira

14:48 : 27/09/2026



Gysi dhe Vlorë detyrojnë Ramën të sulmojë median dhe drejtësinë

14:37 : 27/09/2026



"Vlorë Hyseni ka tentuar të përçajë protestën"/ Aktivisti thirrje qytetarëve: Dilni në shesh të rrëzojmë Ramën

20:11 : 26/09/2026



RRETH NESH

Boldnews.al mbetet zgjedhja e parë për një lexues i cili kërkon të informohet me saktësi për një lajm. Misioni jonë kryesor është paanshëmëria dhe profesionalizmi dhe për këtë janë të punësuar gazetarët më të mirë në tregun mediatik.

Na kontakto:

NA NDIQ

